

【知新報】

二

澳門基金會

上海社會科學院出版社

聯合出版

ISBN 7-80618-375-2



9 787806 183755 >

特约编辑 费成康

责任编辑 方小芬

装帧设计 闵 敏

知新报(影印本)

澳门基金会(澳门民国大马路6号)

联合出版

上海社会科学院出版社

(上海淮海中路622弄7号)

新华书店上海发行所发行 上海市印刷七厂印刷

开本 787×1092 1/16 印张 131 插页 10 字数 3699000

1996年7月第1版 1996年7月第1次印刷

印数 1-800

ISBN7-80618-375-2/Z·103

定价:240元(全二册)



目錄

第七十一冊	九七九
第七十二冊	九九五
第七十三冊	一〇一一
第七十四冊	一〇二七
第七十五冊	一〇四三
第七十六冊	一〇五九
第七十七冊	一〇七五
第七十八冊	一〇九一
第七十九冊	一一〇八
第八十冊	一二二五
第八十一冊	一二四二
第八十二冊	一二五八
第八十三冊	一二七四
第八十四冊	一二九一
第八十五冊	一二〇七

目錄

第八十六冊	一二二三
第八十七冊	一二三九
第八十八冊	一二五五
第八十九冊	一二七一
第九十冊	一二八七
第九十一冊	一三〇三
第九十二冊	一三一九
第九十三冊	一三三六
第九十四冊	一三五二
第九十五冊	一三六八
第九十六冊	一三八四
第九十七冊	一四〇〇
第九十八冊	一四一六
第九十九冊	一四三二
第一百冊	一四四八
第一百零一冊	一四六四
第一百零二冊	一四八〇
第一百零三冊	一四九六
第一百零四冊	一五一二
第一百零五冊	一五二八

第一百零六冊		一五四四
第一百零七冊		一五六〇
第一百零八冊		一五七六
第一百零九冊		一五九二
第一百一十冊		一六〇八
第一百一十一冊		一六二四
第一百一十二冊		一六四〇
第一百一十三冊		一六六一
第一百一十四冊		一六八三
第一百一十五冊		一七〇四
第一百一十七冊		一七二五
第一百一十八冊		一七四六
第一百一十九冊		一七六七
第一百二十冊		一七八八
第一百二十一冊		一八〇八
第一百二十二冊		一八二九
第一百二十三冊		一八五〇
第一百二十四冊		一八七一
第一百二十五冊		一八九一
第一百二十六冊		一九一二

第一百二十七冊		一九三三
第一百二十八冊		一九五三
第一百二十九冊		一九七四
第一百三十冊		一九九五
第一百三十一冊		二〇一五
第一百三十二冊		二〇三六
第一百三十三冊		二〇五七
第一百三十四冊要目		二〇七八
要目索引		二〇七九
編後記		二〇八七

光緒三十四年十月初一日

知新報

THE REFORMER
CHINA

第七十一冊

知新報第七十一冊目錄 本館在澳門大井頭第四號門牌
述日本維新以前尊王之事 承前

鐵香書室來稿

與友人書

京外近事

亞洲近事

歐洲近事

美洲近事

非洲近事

工部近事

商務近事

格致近事

樹藝求精

考礦備要

路透電音

總署各行各省試辦內河駛行小輪船章程
北京要事彙聞 四川亂黨未靖 中國鐵路近聞 日本論中國維新 英人惜中國維新不成 英人留心東方時局 英人議取西藏 美西交涉餘聞

俄屬歉收 英國酌減郵費 法國添置船械 德王游歷猶太 議逐土兵出企列 企土復爭 俄索土債 英儲傷足 募起沉船 地利花案待議 歐事

極論美國開巴拿馬河之利 英美聯盟之雄 砲法擅勝 測學機器 海底電線紀數 新致出小行星 升放氣球 點染花色法

美英在中國商務 西貢富米 法國商務進境 新會周靈生譯 新會周靈生譯

砲法擅勝 測學機器 海底電線紀數 新致出小行星 升放氣球 點染花色法

美英在中國商務 西貢富米 法國商務進境 新會周靈生譯 新會周靈生譯

砲法擅勝 測學機器 海底電線紀數 新致出小行星 升放氣球 點染花色法

美英在中國商務 西貢富米 法國商務進境 新會周靈生譯 新會周靈生譯

砲法擅勝 測學機器 海底電線紀數 新致出小行星 升放氣球 點染花色法

美英在中國商務 西貢富米 法國商務進境 新會周靈生譯 新會周靈生譯

砲法擅勝 測學機器 海底電線紀數 新致出小行星 升放氣球 點染花色法

美英在中國商務 西貢富米 法國商務進境 新會周靈生譯 新會周靈生譯

砲法擅勝 測學機器 海底電線紀數 新致出小行星 升放氣球 點染花色法

美英在中國商務 西貢富米 法國商務進境 新會周靈生譯 新會周靈生譯

砲法擅勝 測學機器 海底電線紀數 新致出小行星 升放氣球 點染花色法

美英在中國商務 西貢富米 法國商務進境 新會周靈生譯 新會周靈生譯

砲法擅勝 測學機器 海底電線紀數 新致出小行星 升放氣球 點染花色法

美英在中國商務 西貢富米 法國商務進境 新會周靈生譯 新會周靈生譯

砲法擅勝 測學機器 海底電線紀數 新致出小行星 升放氣球 點染花色法

美英在中國商務 西貢富米 法國商務進境 新會周靈生譯 新會周靈生譯

述日本維新以前尊王之事 承前

薩摩藩島津久光將赴江戶處士要之於道陳幕府背逆狀願倭大藩問罪關左之意久光慰諭留之伏水既而相率入京阻之不聽遂抗拒互鬥自是京尹威令挫而不行公憤之下勢必出此

於是倡尊王攘夷者處士也橫行拉殺者亦處士也公卿危懼志向漸變守護職松平容保等議處分處士或欲逮捕之或欲賞其志戒其行容保曰不如論處士各歸其主無主者幕府食之乃命町奉行搜索又置文武場爲處士安身之地既而又有入人等持院斬足利氏三世木偶梟之三條續揭示曰當時王綱解紐不能正名誅賊今大政將復故先誅三賊以懲奸惡之過於尊氏者容保等曰託名正義輕蔑朝旨不可有乃逮下獄將處重刑毛利定廣上書請釋其罪容保等堅持不可而朝旨亦欲免之因得不死處士益猖狂不可制

至此而始用調停之術晚矣然殺戮之威有盡清流之議無窮窮媚權貴者知此鮮矣時長門藩毛利慶親上書幕府請翼戴王室協和衆心其子長廣留於京薩摩藩島津久光土佐藩山內豐信亦先後入京帝遂詔薩長土三藩留鎮關下自是列藩承風爭朝京

知新報七十一

師者八十餘國

彼擁方面控重鎮唯阿取容坐視君上之危者視此何如

壬戌六月帝命大原重德副以島津久光諭幕府三事一日將軍宜率諸侯入朝議政二曰宜選沿海大藩爲五大老整武備三曰當起慶喜輔將軍慶永任大老以改革幕政時有美國兵艦泊赤間關長門藩人砲擊之幕府遣使責其擅役長藩留殺其使遂與幕府有隙長陸士三藩恃勢相軋又互有隙長人遂振三條實美等七卿走長門舉兵犯關以討幕府容保等合兵討却之當將軍家茂方遣使責長藩而長人忽與陸人合矯詔徵陸兵會討不從師卒無功家茂旋薨於軍自是強藩不復受節制而幕府勢益孤矣家茂既薨以慶喜任將軍明年遂奉還政權帝旋以患痘崩在位二十年孝明帝自即位深以國家安危爲憂盡與外交相終始云

當光格即位爲德川氏極盛之時而外患既萌孝明在位外人迭請通商要挾日甚舉國囂然倡攘夷說荷或異議則目爲姦黨幕府初亦拒之繼審其勢力不敵意遂轉移孝明始亦決計攘夷末年尋悟其非勅旨亦反覆而二三強藩巨室乘浪士憤激之勢王霸離間之交始欲假朝議而順人心繼乃用士氣而亡幕府故當時攘奔之論要其所歸

不在攘彝而在尊王，尊王所以亡幕府也。迨王室尊，幕府亡，而知終不可攘，遂決然變計。大開外交，仍與德川氏末年無異，然而德川氏亡矣。

孝明在位二十年，而憂患如一日，左牽右總，未嘗一遂為君之志，亦可哀哉。然沒年尚及奉還政權之事，則亦還幸矣。

明治天皇今皇即位，十月，德川慶喜上表奉還政權。先是土佐侯山內豐信上書慶喜曰：比年以外交釀內亂，紛擾十數年，無他，政出一門也。我中世以還，武門執政久矣，然方今天下大勢一變，不可復守舊規，宜奉還政權於朝廷，以定萬國並立之基業云。慶喜明孝年丁卯冬十月十四日，慶喜大會列藩羣臣於二條城，示以請還政權之意，諸將咸失色而退。有薩士三藩士在坐，力德德之慶喜即決議具奏，詔報曰：諸侯賞罰黜陟之權，自天子出，其他仍舊，待加賀以下三十三藩入觀時，決之時，廷議紛紜，德川親藩多諫朝廷以爲不可，而薩士諸藩促之曰：天下將定於一，今廷議游移，失事機，若王室何？十五日遂降旨依奏收還政權。十二月八日，中山忠能正親町三條實愛，岩倉具視，德大寺實則，與德川慶勝，慶永，島津茂久，山內豐信，暨尾越薩士諸臣，會議小御所，茂久曰：朝廷已收還政權，然土地人民不屬，有名無實，宜令德川氏割八百萬石以充經費，具視贊成之，出書

知新報七十一

二

於袖中，則籌畫變革事宜也。豐信曰：諸侯亦宜割土地人民入貢，議至徹旦，九日容保奏辭守護職，與定敬俱入二條城，有詔罷會津桑名人九門宿衛，即容保等所領國，而代以薩士藝諸藩，又廢攝政關白及幕府所設之各職，權置總裁，議定參與三職，以熾仁親王爲總裁，具視忠能實愛爲議定，薩人小松帶刀，土人後藤象次郎爲參與，詔曰：自今以往，大小政令，自朝廷出，四方其體之。於是復三條實美，毛利慶親等官爵，令來京，時德川毛利事已平，而嫌隙未忘，會桑人亦自疑忌，慶喜亦缺望，意中變，乃與容保等議曰：近日朝旨，非前日比，既許將軍依舊任事，而九日小御所之會，我輩乃不得與，必有驅幼主以謀私者，乃奏請勒兵備不虞，諸藩守閭者，亦戒嚴屹然相持，人情洶洶，將士或說慶喜曰：事已至此，坐受箝制，孰與據大阪城，扼咽喉，以制人？慶喜領之，遂留書於朝，於十二日夜南走至大阪，抗疏請清君側，不省，時朝議欲召慶喜，納其封五百萬石，賜以三百萬石爲巨藩，以慶喜議定，令慶勝傳旨促入覲，慶喜奉命而心危之，不敢往，會江戶有處士數百，潛伏薩摩邸，出劫富商掠金穀，慶喜因奏陳薩人在東寇掠之狀，請黜其藩士之參朝政者，又不省，慶喜下令江戶，搜捕處士，而東兵遽火薩摩邸，報至大阪，將士聚議曰：事至此，變端既開，騎虎不得下矣，明治元年戊辰正月，慶喜以兵三萬，抵伏見鳥羽，令會桑人爲

前驅，詔命薩長二藩，南扼伏水鳥羽二關，許以便宜從事，是日幕軍遣行人請過二關曰：寡君奉詔入朝，而公等阻之，不得已，則有戰耳，既而東軍大至，王師力拒之，戰三日，東軍敗，慶喜容保定敬等倉猝航海東去，九日，總督純仁親王入大阪，十二日，詔削慶喜以下官爵，大告四方，諭以不可不征之旨。

尋拜有栖川熾仁親王，爲征東大總督，授錦旗節刀，令各國使臣毋得援戰軍需兵器，當慶喜容保等之東也，臣屬驚駭，有建議者曰：爲今之計，當藉外國力，以靖內變，否則擁輪王寺法親王，以令天下，議不決，幕臣日夜謀拒守，或欲扼函關，或欲由海路襲大阪，而慶喜一意主恭順，手書禁諸臣曰：慎勿抗官軍，拒官軍，猶刺刀於吾腹也，遂出城居寬永寺僧舍，命家臣勝安房，大久保一翁，留鎮撫，既而官軍海陸大至，勝安房出見參謀西鄉隆盛，具陳慶喜恭順狀，請弭征師，隆盛徵謝罪表，上之督府，督府下令止戰，移兵入江戶，皮之及勅使至，詔有慶喜死一等，屏居水戶，慶喜遂移居水戶，麾下諸隊，欲從者數千人，慶喜盡爲去，僅以十隊行。

奉還王權乃慶喜本意，故一寇主恭順而臣屬必欲助成其跋扈，以洩私憤，慶幸不死，從古篡逆之事，每成於左右之人，非必莽操初志也，又豈獨慶喜爲然哉。

知新報七十一

三

三月，帝親臨會公卿諸侯，設五誓，曰：萬機決於公論，曰：上下一心，曰：朝幕一途，曰：洗舊習，從公道，曰：求智識於寰宇。

日本維新之治，皆基於此數語矣，其強也宜哉。

與友人書

皇帝退政，新經授首，尋而懲學會，禁報館，仍武科，復八股，數月來

已畢

維新之治，于時悉罷，二十餘省維新之機，由是大窒，外國狂喜，至市牛酒相慶，足下飽餐一官，丁此陽厄，灰心墮望，決意解組，豈云孤憤，亦以自全，爲今之官，動被制肘，一事難舉，魚鹿鹿，索于宦場，而列強競逐，勢不能閉目，羣赤呼籲，又不能發耳，此而尸素，孰與韜藏，然不可謂維新之望遂絕也，藝政列國變政，始皆流血，惟壓力愈重，濫力愈生，積以歲時，終償初願，今將舉中國數千年積弊，與我朝數百年蒙被外國之辱，慨然廓清，酒雪之而欲宣海無波，一蹴即及，詢諸嫗稚，亦曰：不能，但世運日開，人心日明，由塞而進之於通，則其勢順，勢順故新學新法，必不能梗於半途，由通而返之於塞，則其勢逆，勢逆則雖大力者挾之而趨，而舊法亦斷難持久，故今日之變，不足駭也，今日之變之礙於維新，不足慮也，隨園有言：馬負千鈞，蟻駭一粒，各盡其力之所能到，君亦盡其力之所能到而已，無容灰心爲也。

京外近事

總署咨行各省試辦內河行輪章程

為咨行事。本衙門前經定議擴充商務通商省分。所有內河。無論華商洋面。均准駛行小輪船。凡行駛來往徵收厘稅。查驗貨物。領牌納費等事。亟須明定章程。詳晰酌議。當經札行總稅務司。妥速議復。以憑核行。在案。茲准總稅務司申稱。接奉札開。內河駛行小輪。謹擬辦法章程。呈請酌核。等因。前來。本衙門查。內河小輪行駛。一節。無論華洋各商。一律行駛。往來務須詳定妥章。以期經久通行。以及各輪領牌掛號。應徵稅課。審辦案件。各節。現值創始。亦宜明定辦法。俾商務興旺。稅餉日增。於地方商民。均無妨礙。方為盡善。茲據總稅務司申復。新訂各章。應即通行。各關及地方官。先行試辦。俟察看各處辦理情形。如有應行修改之處。即可隨時酌訂變通。相應將總稅務司原議章程。一併抄錄咨行。貴撫查照。轉飭辦理。可也。須至咨者。

照錄總稅務司申文

為申復事。奉到本年二月初五日。鈞札。內開。本衙門現定議擴充商務。中國通商省分。所有內河。無論華商洋面。均准駛行小輪。凡行駛往來徵收稅厘。查驗貨物。亟須詳細明

知新報七十一

定章程。俾商務興旺。而中國稅餉日增。於沿河地方無礙。相應札行總稅務司查照。速為妥酌。酌議申復。以憑核奪。等因。奉此。總稅務司查。前於光緒十年間。曾以通商口岸之華商。購置不出海之小輪船。應赴通商各關領牌掛號等事。業於十年五月二十六日。詳擬章程。申請。鑒核。嗣於十一年二月初五日。會奉。貴衙門札復。允行在案。復以小輪船由通商口岸往來。不通商口岸。暨彼此不通商口岸來往等事。須為經理。於二十二年七月初四日。擬章呈。核。而迄今未奉。札復。伏思。既經訂明。內港准華洋各項小輪。一律行駛。莫若將十年間允准之章。畧為修改擴充。以期妥善。並將二十二年間所擬之章。亦允照行。現准華洋小輪。一律行駛。內河則此。事有須籌畫之要務。三端。各項小輪。駛赴內港。宜將船名等情。登簿備查。一也。稅課宜定。明如何辦理。二也。犯事者宜定如何審辦。三也。茲特憑此。意。謹擬章程三端。呈請。酌核。開列於後。

計開華洋小輪船駛赴通商各省之內港章程

領牌掛號

一通商省分之內港。嗣後均准華洋各項小輪船。任便由各該通商口岸。運往來貿易。二非出海式樣之各項華洋小輪船。或在口岸內駛行。或往來內港。除按本國律章。應隨

有之牌照外。尚須赴稅務司處。請領關牌。其關牌內。應將業主姓名籍貫註明。並將船名船式及水手人數等項。按行開列。每年換領一次。如改業主及停止貿易等事。即將所領之關牌繳銷。初次領牌。應納牌費。關平銀十兩。其後每年換領新牌。納費二兩。三此項小輪船。如祇在口內駛行。無須每次赴關呈報一切。惟若欲前往內港。於出口進口時。俱應一體報關。無關牌者。一概不准前往內港。

四此項小輪船。所有懸掛燈籠。防範碰撞。及招僱更換水手。與查驗水鍋機器等事。俱須遵照各該口原有之章程辦理。

稅課辦法

五此項小輪船。如在各口裝載應稅之貨。駛赴內港。應即報明海關。由關核定。應否照完何項出口稅。如由內港裝載應稅之貨。駛回本口。應即報關。由關一體核辦。

六此項小輪船。在內港各處起貨下貨。應照該處定章。遵納各項稅釐。

七此項小輪船。若拖帶船隻。被拖之船。應於何處釐卡候驗。則小輪亦應於該處停輪。其被拖之船。所載貨物。俱照各該卡之章程辦理。

審案辦法

知新報七十一

八凡在內港犯事者。無論或違背稅章。或毆辱人命。或盜竊財產等事。均須由該處地方官。按憲辦本處人民之律章審斷。惟若係洋人之船及犯事者為洋人船上所用之華人。應由地方官一面知照就近口岸之稅務司。轉告該船之領事官。該領事官即可派員前赴觀審。若犯法者為洋人。應照條約所論護照之條。將其人送交就近口岸之稅務司。轉交該領事官辦理。

九凡小輪船。如經過稅關厘卡等處。並不遵允停輪。或搭客水手等在內港地方滋鬧。肇釁等事。即可由海關將該船之關牌繳銷。不准復往內港貿易。

以上所擬。是為現時管理此項小輪船之章。嗣後如有應行修改之事。即可隨時酌情改訂。除將十年暨二十二年所擬之章。重為錄呈。查閱外。理合備文申復。貴衙門鑒核施行可也。須至申呈者。光緒二十四年二月二十日。

後附章程

照錄上海等口華人製造小火輪船請領牌照續定章程七條

一凡有船塢造作小輪船者。應由船戶於船造未成之前。將造船情形。赴關報明。由關派理船廳。前往勘量墩數。開單請由監督核發船牌。交該船戶收執為據。

一凡有赴關領小輪船之船牌者除官辦之船勿庸繳費外其餘均應繳納牌費其船置價若在五千兩銀以下應繳費二十兩其置價若在五千兩以上則繳費五十兩

一凡有赴關領牌之小輪船除拖帶輪船應照拖輪之專章納鈔外其餘各船則免納鈔

一凡有小輪船或官辦或商辦赴關領牌者均須於領牌後按年赴關呈報備驗

一凡有現已造成下水駛用之小輪船應即照現定之章赴關報驗由理船廳勘量墩數核發船牌一律照辦

一此項小火輪船祇准在通商海口行駛不准載貨搭客駛入內港江河及沿海不通商地方貿易違者罰辦並將船貨照約入官

一官置之船報官給牌登發備查牌內載明船係官用准行內河並帶官不物准帶貨搭客作貿易之事以示與商船有別

以上七條係現在暫訂章程通飭各關照辦仍俟試辦一年有無流弊再行酌量增改作為久遠定章

照錄江海關口專章

一華洋商人如有暫時雇用該船前往內地游歷者報關另給執照以備沿途查驗同日

繳銷經過關卡停輪候驗不准私帶貨物以及違禁之件違者截留究辦倘係華官雇用亦報關另給官照執照官置之船一律辦理

光緒二十二年七月初四日總稅務司申呈寶戴花翎二等第一寶星頭品頂戴總稅務司赫德為申呈事竊總稅務司於同治初年擬准華人置用洋式船隻乃期一面可免沿海之貿易全被外國船隻佔據一面為便於中國日後建設水師以資儲備之意嗣於同治六年十二月間即照原擬開具章程頒示其大意係華人置用洋式船隻祇准往來通商口岸按照各國條約稅則徵稅所有進出口暨上下貨物一切事宜俱照洋船定例辦理

新開管理此項章程歷來遵行並無更改於商情甚便於稅課有益嗣後另有一種小輪船漸見興增此項船不宜出海但在口內之水道來往總稅務司於同治十年時曾擬章程專為管理令其在海關請領船牌准其在本處通商口內任便行駛若非官用或為外國人僱用游歷之船不准載貨搭客駛入內港及沿海不通商地方等語此項小輪雖其

中有外國人之船因無該國執照即無升掛國旗之理是以在中國水道行駛即應照華人之船一律辦理故立章程時曾照會各國大臣查照彼時由美比法德義日本日斯等國大臣照復允行各在案定章以後伏查輪船貿易逐年見增除往來通商口岸之大輪

知新報七十一

三

知新報七十一

四

與在通商口內行駛之小輪船兩項先後立有定章外現在尚有四類船隻應行擬章管理一為由通商口岸往來不通商口岸一為由通商口岸往來內港一為彼此不通商口岸往來一為各內地不通商處來往以上四類船來往各處有各處之章程彼此不同更有無章程之處然有一節各處同情即商人皆願其船歸稅務司管理以便可得一準之定章並一定之稅則且獲迅捷及一律無異之辦法而地方官不願歸稅務司管理由稅務司管與由地方官管有一節不同凡由稅務司所管者徵收之稅須呈報總署轉報戶部而由地方官所管者反無如此呈報之定章也此項輪船以後勢必年年增多亟應立定章程以便將來遵行其故何在蘇州杭州現開為通商口岸外國之小輪船自必亦有在運河內港行駛不易分別辦理一中國之小輪船紛紛來往易有匪船混迹其中若無定章更屬難以稽查一近來中國借款甚繁還清欠債約須四十年之久若於此項日多之輪船不定立章程聽其任便行駛不歸稅務司管理致使征收稅餉無所把握則於各國將以依靠償還之關稅有碍羣不甘服因此之故此項輪船現應立詳明章程以便劃一照辦是為至要此項章程或云應由地方官擬立呈由貴衙門鑒核惟細思其船既係洋式船隻所有定立章程之故乃因關

知新報七十一

四

涉通商事宜酌定一律通行之辦法莫若照前案由總稅務司擬議由貴衙門復核酌定嗣後再由各處地方官隨地酌情續添分章以便專辦本處之事茲將現擬之通行章程列後

一論往來通商口岸之大輪船凡出海之輪船仍照同治六年十二年間所立之章程辦理除特准為專事前往某處外其餘船隻祇准在通商口岸暨外洋來往

二論通商口岸內行駛之小輪船凡通商口岸內所用之小火輪船俱照光緒十一年所立之章程辦理

三論由通商口岸往來不通商口岸之船

第一凡輪船由通商口岸往來沿海暨長江不通商處所應在新開稅務司處請領同類船牌等據由監督蓋印由稅務司發押

第二凡請領此項船牌時須納牌費銀五十兩如更換業主應於牌上改注姓名復納改費銀十兩

第三凡船隻進出口應照平常出海之船隨時報關其在口內應遵理船廳指示停泊

第四凡雇辦管船管輪暨水手人等須帶赴稅務司面見登冊若係管船與管輪之人每次須納冊費銀一圓若係水手每次須納洋銀一角
第五凡船隻進口出口須由船主將進出船口單呈關查驗其起卸貨物亦應請領准單

第六凡出口貨物應由海關征收出口正稅進口貨物應由海關征收復進口半稅照往來通商口岸之船艘一律辦理

第七凡在長江拖帶者被拖之船應於何處候驗拖帶之輪船即於該處停輪不得擅行過卡

四輪彼此不通商口岸來往之船

第一凡由此不通商口岸往來彼不通商口岸之輪船應稟由地方官轉請就近通商海關監督發給同類船牌其牌由監督蓋印由稅務司蓋押由地方官復為發記
第二凡船進出口須隨時報明常關或地方官衙門與他船載貨在該口完稅之例一律完納稅餉

第三每四個月須照洋船之例輸納船鈔繳由地方官寄送就近海關監督轉交稅務

知新報七十一

五

司查收

第四凡船更換業主須將新業主之姓名報由地方官轉報監督與稅務司查照

第五凡僱辦管船管輪水手人等須帶赴地方官處面訂經管

第六凡拖帶者被拖之船應於何處候驗拖帶之輪船即於該處停輪不得擅行過卡

五輪由通商口岸往來內港之船

第一凡輪船由通商口岸往來內港須在稅務司處請領船牌由監督蓋印由稅務司蓋押應納牌費銀二十兩如更換業主須將新業主之姓名於原發之船牌上註明復納銀五兩

第二每四個月須在海關完納船鈔

第三凡船艘每次進口出口須將由何處來何處往裝載何項貨物等情在海關呈報

第四凡船所載之貨須照他項華船往來同處作同類貿易之例一律完納稅項

第五凡拖帶者被拖之船應於何處候驗拖帶之輪船即於該處停輪不得擅行過卡

六輪各內地不通商處來往之船

第一凡內地不通商處來往之輪船應稟由地方官轉請就近海關監督發給船牌其

牌由監督蓋印由稅務司蓋押由地方官復為發記

第二凡船進出口須隨時報明常關或地方官衙門與他船載貨在該口完稅之例一律完納稅餉

第三凡拖帶者被拖之船應於何處候驗拖帶之輪船即於該處停輪不得擅行過卡以上所擬足為現時管理新類輪船之章嗣後每屆十年應行修改如此擬訂各船均有定式之牌照其無牌照者即按私船拿辦一面可知何處有何項船艘若干一面可分

何船歸何處管理其船任便照章來往其關照章程若在沿海或內地之不通商口岸因別項情勢須另訂專章則可由地方官隨時酌定宣示一面詳明上憲存案此章如經貴衙門允准竊以莫若奏明請旨通飭遵行以昭劃一為要理合備文申請鑒查施行可也須至申呈者

亞洲近事

北京要事彙聞

西十月二十八號香港士報云頃接天津來信說本處無大鬧情形十四號即禮拜五號寂路士卑士佛侯駕到中西官並無迎接之禮獨有麥健奇士君於禮拜六就設宴相款赴

知新報七十一

六

席皆皆富商巨賈及旅津西人寂路士侯於禮拜就晉京北京之時局將何變更現未能相告因官場辦事皆從秘密曾探悉水師官場彼等經奉諭若見機可行即令大兵登岸吾知日本人亦必同一預備但因何故而如此舉動則無知之者由華人處訪聞中朝政府已預備設立總位為君之人所欲立者有二人一係五王爺之子其一係殿前侍衛之人二者皆光緒皇上之堂兄弟年紀亦相若但仍無實據日本與意大利之衛兵昨禮拜至京而美署之衛兵亦不日續到並無退兵之消息皇上至今尚生似無疑義昨者上海道奉諭令釋放黃遵憲可見中朝不敢招惹外國動手吾甚喜查悉張蔭桓實未曾死但未知初時謠傳從何而至且有憑據證明所傳被殺之處已過今實安然就道又傳有外國人數名陰隨張蔭桓離北京果否則未敢臆斷又聞宮中搜出西式衣服一套太后詰問緣由有與皇上相善者代之回護言該西服係某伶人遺下此伶人名馳遐邇近方在天津演劇地方官奉命拿之又接上海訪事人二十四日來函云牛莊有官兵約一萬刻日調往金州又直隸提督於十八日帶引大兵入京聞說是時大兵雲集榮祿藉以肆虐又兩江總督劉坤一於禮拜五號接奉密旨拿父廷式劉制軍即電致江西巡撫力為查拿該撫電覆說文廷式並其兄弟俱不在籍又聞劉制軍與部屬會商頗以維新不成為憾但未敢明言耳又聞余燏生

重慶大亂。凡遇教民則害之。其屋宇則焚之。倡言與西人西教士為難。有相抗者。即作教民而觀。因此土人咸生畏懼。又上海水報接北京訪事人特信。稱說今日會親見法醫士。該醫士說十月十八號。彼會朝見中國皇帝。察知果有服毒之狀。但體氣現已復元。彼又謂於問候聖安之外。別無交談之詞云。

西十月二十號。香港開譯報云。北京還來消息。稱中朝大學士榮祿。奏准太后。由北洋召兵一萬入京。以為榮祿親軍。且特諭令袁世凱及董福祥二統帥。加意挑選精兵。以備不虞之用。聞中國之兵。以此二人所訓練者為最勇。又謂牛庄直隸順天等處。調度大軍。北京城內。屯集大兵五萬。內有北京神機營。侍衛兵八旗兵。綠營兵。各等。北方及楊子江一帶之華人。多以為榮祿此次舉動。極似禁阻各國洋人之勢。專與維新黨為難。又有與維新黨相善之人。謂榮祿此次加增大兵一萬者。所以示威於外。俾各國公使不敢輔助維新之黨也。

西十月十號。香港士報云。據西貢法字報接到巴黎來電。說北京有路人以石擲英欽使隨員摩地磨君。又毆傷美使署之參贊大臣。觀此電文。而知天津來電所報審西亞君在東京被毆者。即美使館華文參贊大臣也。但巴黎之電。不曾言及三西婦並被毆辱之事。本報訪事人。電稱勞抄君在北京被毆。勞君乃美使館之副參贊也。故名字總有混亂。可怪者北

知新報七十一

七

京距上海不遠。此耗竟不傳至上海。於此可見訪事於中華之難。每相距數里。而真消息非旬日不能通。故今日中國皇帝之存亡。猶未確知者。不足為奇矣。有精於料事者。信謂皇帝尚生。有人竟信皇帝逃匿在外。蓋謂自九月二十二號變起以來。無人會見其面。故或云服毒。或云自盡。紛紛其說。迄今無確耗也。但人所共知者。惟皇上與太后角勝。守舊黨從太后。維新黨從皇帝。守舊者多。維新者寡。故多者勝耳。然皇上變法。太后即可借此為題。以布告天下。蓋中華制度。違背祖宗成法。則必為有罪。太后執此以罪皇帝。然則皇帝斷無不受害命之理矣。凡與維新黨稍有牽涉之官紳士人。無一掃而盡。太后以為如此辦理。即可令國基安靖。國體日榮。吾恐未必然也。此等官紳士人。乃中國之利器。官紳中祇有此等人。醒悟中朝須變法而後能自強。即所謂識時俊傑。乃於此等人不能用。猶恐去之不速。國勢之安危可知矣。況太后與守舊黨肆行虐政。民困日甚。識時俊傑。豈有不欲救中國者。今日之事。不過風波之第一層耳。他日不難又遇風波之第二層。各國變政之初。恒有驚人之事。今中國變政。必有守舊者制其肘。勢也。惟維新者接踵而興。則可以變法救民矣。

西十月十四號。柏靈益哥報云。上海訪事來電。說張蔭桓被殺。今恐非確。又黃遵憲被上海蔡道拘留。現經釋放。初時上諭黃君進京覲見後。即赴日本為欽使。行至上海。遇北京有變。

暫止不進。後被蔡道憲拘留。聞黃君亦維新黨政府初擬待其普京。然後分別治罪。後因汪進士康年。囑託一當道。暗中勸奏。謂不即拘殺黃君。彼將他輩故太后降旨。務令必獲。汪康年欲救之之故。係因汪君沒上海時。紛報八千金。中朝皇帝當時命黃君查辦此事。黃君不為之出脫。故汪康年銜之刺骨也。

四川亂黨未靖

西十月二十二號。香港開譯報云。本月十六號。字林西報訪事人。往見教士洛頓君。詢及四川余蠻子叛亂之事。洛君方由重慶至上海。對訪事人述云。我與數西人。經英領事訪諭。還離重慶。故於西九月二十八號離境。此後所聞皆屬傳言。而非目擊。又云。法西神甫華司鐸。被余蠻子捉去。許以二萬五千兩銀相贖。余蠻子受之。將華司鐸護送至某處。好言慰之。而別。余某返歸大營。華司鐸行至半途。又被余某之手下。熊某再獲。帶回大營。再禁之。余某又出示。押擊洋人。鼓動大眾。故各人皆有與洋人為敵之心。英領事見此情勢。急為防範。諭令各西人暫離境避禍。此黨賊匪。極惡教士。惟在重慶偏僻之地。凡有洋人。皆指為教士。皂白不分。洛君謂此股賊匪。特借迫害西人為名。實則與地方官為難。傳聞此股匪。與廣西土匪相通。恐四川未能即日安謐也。惟重慶城保護甚固。料賊匪不能奪之。但有此黨。在人心則仍惶惑不安。

知新報七十一

八

仍惶惑不安

中國鐵路近聞

西十月二十號。香港開譯報云。十月九號。日本報錄北京來電。稱說英人籌畫。欲將天津至山海關之一段鐵路。並其兩旁之礦地。為貸款建築鐵路一條。由牛庄而達山海關。俄國已應允此事。今已開議約章矣。又云。廣州至漢口之鐵路。不日即測量。伍廷芳在美國。為工師返華。現中朝特電催促此等工師前來。華官經整備以待。又云。據字林報之言。蘆漢鐵路。今委直隸總督裕祿。及兩湖總督張之洞合辦。又謂張之洞。雖經數次顯露其維新之才志。惟榮祿忌之殊甚。但現仍未敢執實也。

日本論中國維新

西十月二十四號。香港士報云。日本某報章。說日本現有之戰艦。宜速集於北直隸海股。以保護日本官商。蓋近日北京變起。頗有日人被累。又謂北京現如無主一般。各國皆宜各調大兵一隊。入衛使署。今日日本某報熱調藍腹納兵入京。甚合公道。其再調各戰艦至中國者。皆不容不為者也。該報又謂日廷今待中國。懦弱之甚。設使政府捷於調停。能如一千八百九十六年二月十一號。俄廷平定高麗之事。則清國皇帝。可不被用。維新之六人。亦可免。

義該報之言如此知日人亦志在輔助中國改行新政復當日之君權振中國維新之事蓋中國有難自保即日本之國勢亦不無可慮也

西十月二十二號香港士冀報錄日本某報云曾聞我政府疾呼馬巡船行至大沽之後即派水師一隊往北京大約在北京日本使署現已有藍燈哨兵護衛矣我政府如此者實不得已也日清唇齒相依之事我豈容袖手旁觀西人既各調兵入京護衛使署我國更可有詞調兵自衛我誠不欲干預中朝內政但鄰國禍起蕭牆誠恐株連我應有之權利故不得不加意保護一則我已得之利權我須把持之日人所得之租界並寄寓清國之日人務須安靜無恙又日清馬關所立之條約務須中朝保守無變設北京大員不能力為保守約章至日人稍有虧損則我須以自己之能力保之二則我日本又須令各國在清之權勢均平相當設各國或欲再增權勢或再占利益我一國實不能默然無言蓋事勢一變則我馬關條約所得之利全廢矣三則東方太平之局或有仗義而欲保持之者我日本亦須出力相從我國昔與清戰正為保守太平之局起見今清國瀕於危我國可不盡力扶持東方大局哉因此我必須預備不容辭讓以上三項乃我國應行之綱領以處置清國之時局也至中國執政之人為滿漢漢我所不必拘論設若清國能保自主之威望又力行新政日

知新報七十一

九

向文教自於我國有大益我國又何求焉

英人惜中國維新不成

西十月十四號倫敦商務報云中華之教化甚古早前數千年已有多般製造稼穡桑麻無不講究聲名文物盛稱一時乃近來數百年反覺不振而西國技藝蒸蒸日上遠駕華人之上因泰西教化日進一才一藝各國朝廷有以鼓勵保護之如不但與波皮賴二者是也凡機器物法之新創皆能領取不但護照許新創之人專利凡新著一書即能報取汲汲及賴許其專利此所以新器新書日出出不窮文明大開之國無不見其有利無弊而立為例也中華與泰西通商歷有年所往者華人驕傲不屑學效外人中東戰敗猶不知奮近又被德占膠州俄取旅順瓜分之圖傳鈔各國國勢岌岌外侮內患交迫富道大臣仍屬鼻聲如雷惟華民不乏英明之士見國政之失乘時獻策於皇帝幸遇皇帝英明施行新政令總理衙門核議章程獎賞創造新器新物著述新書之人許其專利立為永例按中華地大物博其人民之眾冠絕地球若有善政為之鼓勵前程實不可限量吾方恐其官場積習太深毫無實心辦事終難奏效而不謂朝廷忽起大變英明皇帝被陷一切當行新政俱反其舊惜哉

英人留心東方時局

西八月十八號倫敦朝報云我國家須留心於東方時局現俄人有席捲中國之勢彼既如此我國亦斷不能置之出中國外若英人存是心實愚昧之甚英之權力全在水師可以禦兩國若欲以我之水師改在蒙古之俄兵則鞭長不及亦我所難今我在中國中央揚子江各地處處可用水師此則我之所長故我當用所長練兵增艦求可以達其內河如此則外人不能窺伺我國屬地中國蘆漢鐵道雖比國承築亦歸俄人管理我英欲不失權則先佔漢口乃為上策然此事必生波瀾惟持以堅心運以毅力終必有濟斷不致動干戈也若有戰務則水師大可用其又奚恐

英人議取西藏

西十月二十八號香港刊刺報錄某英人由西藏來函云西藏居印度之東北天氣和平民情溫厚其土人狀貌聰秀多若意大利國人種相女子亦多佳麗兩臉紅暈嬌然可愛與中國黃種絕不相同此亦一異事也吾自到此間貿易與彼族商人無甚齟齬格致家及傳教士游歷入內運險之事時亦不免耳全藏民情風俗多同惟與四川昆連之鄉族男子則魁梧奇偉與他境少異男女皆嫻於禮讓相率習為勤苦多在山野間畜牧牛羊為生溯中國自乾隆以來已收其地入版圖實則絕無稅餉之入徒糜國帑以養駐藏官兵又考中國命

知新報七十一

十

官於此者有一駐藏大臣由四川入藏沿大路至拉利會城皆設兵衛然兵民駐藏日久至有不識鎗砲為何物者惟土兵身上時携有一鎗一刀與華兵絕少來往亦無甚爭鬪兵眾悉歸其土司管轄近則中國亦設有商務所與彼土人通商然未大盛此地之佳勝凡人到此者無不稱羨印度地當赤道我國兵民苦熱至常病斃最合於西藏譯建兵房數區令海暑之時移兵士入其地俾得休息庶不至頻年死傷兵士之多也

夫我英人收入印度已匪伊朝夕獨惜前人不及早將由印入藏之路開通使便於來往雖昔年窩倫希士頓英員是當一千八百七十七年印之後曾派員至藏地考求商務無如繼其後者持之不力商務遂不能興至一千八百八十五年印度政府再遣麥可離至西藏認真查訪然後鑿山通道故不三四日可由印度而直抵拉利城乃無何印度政府即將麥可離調回未竟其事而去甚為可惜且當時亦嘗有人倡論大移印兵入藏可以養全病兵尤可推廣兵力乃在中國任事諸英員如赫德等輩出而阻議謂西藏為中國所屬不宜廢棄和約有此推兵過境之事事機之失皆當時無識者誤之也雖然自今圖之則猶可及方今中國藩屬邊遠幾盡歸他人蒙古滿洲新疆疆域今則見迫於俄漢寧將淪入於法中國有此西藏之好疆宇而不能自治我英豈可任俄蠶食至此以迫我印度乎且欲平西藏

甚不磨力。由印度移五百精兵至拉利城。然後設詞以告中國駐藏大臣。必然得手。吾今爲是論。非徒欲國家廣開土地也。實因得西藏。一可以開通商務。二可以拱衛印藩。三可以移養病兵。分置印民。有此數利。何樂不爲。印度苦況。不能殫舉。即如打芝冷一埠。本茶產充切。民居稠密之地。然此間之風。皆從藏美利也。大山吹至。極不宜人。又常年多雨。居民感受此氣。疾病頗連。不堪目觀。故有官守者。亟宜設法圖收西藏。

美西交涉餘聞

西九月三十號。倫頓頗路路報云。現西班牙政府。接到非律賓密電。報該地土匪在曼些也士島。據險作叛。一切鎗砲軍械頗備。該電報并囑。及政府勿將此耗宣揚於外。蓋恐亂黨因此知備也。又云。亂黨已延至紐孫縣。軍兵砲械頗有增添。勢頗猖獗。所有巡丁。及其眷屬。時有遇害。故此地方官紛紛逃避。至孟尼拿。如此情勢。故又請政府電達至巴黎議和之員。便知將此事明對美人言之。令其勿准亂民到埠。今西廷已照電報。照會至美國。聞美國當俟巴黎和約簽押之後。即退保非律賓之西班牙人。同日報云。西班牙政府接到夏灣拿電報云。現駐夏灣拿提督罷那哥。招集亡軍。分駐海岸。俟有便船。即一同回國。此係西政府允准其行事云。

知新報七十一

十一

歐洲近事

俄屬歉收

西十月十七號。香港士實報云。俄國有大飢之兆。吉山省失收之情形更甚。禾場草屋之中。皆空無所有。禾稈草亦大欠乏。早已有人用乾草飼牛矣。又有牛因不得適口之物。供食。瘦病致斃。馬牛之價減半而沽。間有取價三分之一耳。各家極其忙遑。設法以救牲畜。今正在飢荒之初。已有如此光景。俟來年春間。其災患當更不可問。

英國酌減郵費

西十月十七號。香港士實報云。英國郵費。改爲每函一篇尼。計英國每年付出信十四兆三十三萬三千六百函。又由英屬付還英國信十二兆一十六萬七千函。每函二篇士半。改爲一篇尼。則前後相去十六萬四千六百三十二。此款甚巨。但希頓君。約計得因減輕信費。故信張加多無數。反令英國信費增多一萬九千八百六十一。又令英屬增多信費一萬五千三百四十九。獨澳洲不願改革。故不得機宜之益也。

法國添置船械

西九月三十號。倫頓頗路路報云。法國政府。近忽下令添購軍火。聞係兵部大臣卡倫。決

策。又各船砲廠。日夜趕造砲彈船。甚形忙碌。

德王游歷猶太

西七月十九號。倫頓頗路路報云。本月九號。耶路撒冷路邊電局訪事人來信。謂德王遊歷猶太。土耳其王。近日連次論令其駐柏靈之欽使大臣。預備一切儀物。迎接德王。使德王沿途皆有供張。依東方之風俗。用意相敬焉。惟德廷辭却之。至今日德皇來至此處。始悅納土王之所致敬。德王夫婦。並隨員行李。從此一路。皆得土廷保護供應。據不路士田之土耳其官場所述。土廷將搜尋境內所有最好之騾馬車。輻供德王駕御。又土皇特遣御用之車馬。出迎德王於境外。此禮可謂隆矣。

議逐土兵出企列

西九月九號。倫頓頗路路報云。前因土耳其人在企列謀殺教士之案。土廷不肯退兵。今各國水師提軍。見事久不解。因對治理企列事務總憲。謂各國奏報回國。請公定立一兵總帶兵來此。核令土耳其將駐企之兵。盡行撤退。又升士文人之家屬。前因爭教門殺事起。逃出企列境外者。今皆歸復故里。又查得土耳其兵官某等。在升士文人地方。藏有逼碼數箱。在某兵醫院內。據此土耳其人。似尚有深謀不軌之事。查從前在堅地亞地方械鬥。殺傳教

知新報七十一

十二

之士。以千計。殺及英兵。計亦不少。揣思前日殺人禍慘。遇滔文人。與土耳其人。必當有交通之事。

西九月三十號。倫頓頗路路報云。駐企列英法俄意四國公使。集議欲移文至土耳其。令其將駐滔滔文兵退出。謂從前升士文及亞美尼人作亂時。土兵絕不得力。轉有妨碍兵機。如藉此以保企列太平。實同兒戲。現各公使議定之公文。已各行票報回國。俟各國政府允准施行。即移至土廷核令。照此行事。斷不任其兵久藉於滔滔文也。又聞土廷現有照會至各國。不願稍將企列島內土耳其兵退出。

企土復爭

西九月三十號。倫頓頗路路報云。企列島內。亞美利人前日因與土耳其人爭亂。紛紛逃往俄國。今有多輩由俄國歸來。復與土耳其人爲難。械鬥數日。兩黨各死數千人。傷者各皆數百。現土廷已調兵出而彈壓。署爲停息。但恐兵防不及。又將爭鬥無已也。

俄索土償

西八月二十五號。倫頓頗路路報云。昨接土京來電。言俄廷責土王。須預撥何項爲下年所賠之款。免至舊債無歸。此欠款係因土俄之役。土廷願賠軍餉。及俄軍俘獲土兵。爲之代給糧

食所費不貲此兩款至今未償楚士王得俄廷照會乃召度支大臣問今年所償之兵費三十萬磅已由惡道文銀行撥出至明年之償費將何款提出度支大臣張羅無術思量者久之謂欲再由惡道文銀行籌撥云因此事廷數與該銀行商議不日可以定實又接土京來電云俄廷在俄國格羅鐵廠定購并沙逼碼一百兆顆今已交訖又云亞美尼黨在土京謀逆被官兵擒獲十五人已將亂黨定罪或禁兩三年或禁四五年其定死罪者減等監禁十五年

英儲傷足

西九月二十號倫敦官報云英長太子傾跌傷膝誠恐無復元之日矣各醫士均決其必不能行動如常宮中亦禁止此消息不欲傳與民知然英民已無不知者彼此迎而無不歎息道上行入其受傷多有與我儲君同者惟其年壯易於調治非似儲君年長血衰未易培復元氣也況儲君自幼至長身體從不壯健雖日日有太醫診視亦無益也今會以父光照其傷口之像願見其重傷異常又云本報接君士但丁云此次企列回民作亂殺戮耶教民英人仗義執言馳兵征勦一怒而定未嘗借助於鄰國如此奮勇土耳其京城各國公使並熱戰時務人等咸加贊美若英人能永遠如此錫強扶弱則兇頑歛跡矣

知新報七十一

十三

募起沉船

西八月三號倫敦朝報云法國有一戰船名丹尼於前一千八百一十二年規士地海口被敵人轟沉計船內有砲四十四門兵士三百五十人此船因奸細攻燬但無一人得脫故難得其主使之確據事經八十餘年經多少善泗水者欲設計將船撈起至今仍未得手今法廷懸重賞若有人能將船中之砲撈起者賞以銀一萬五千佛郎惟船中之砲未易取有沉匿於泥中深至丈餘者有為船中之木鐵壓者初有人用大鐵鍊繫於天戲欲將全船攪起後鐵鍊力不能勝遂至折斷今擬用鋼鍊起之法廷不惜重賞欲起此船者因船內有大金錢一萬八千枚又欲得一二大砲以為古物所慮者船沈水日久內有大砲甚重恐起至水面或全船散碎耳

美洲近事

極論美國開巴拿馬河之利

西九月五號倫敦路底路報云邇來美國商務日盛然欲與英德諸國爭勝必當從中美洲境內巴拿馬之土底開通河道蓋有此則商船來往可由墨西哥海灣直通太平洋無煩繞道過地中海始達東方諸國也此事我英人久忘之即昔年法人地縛什招工開河之苦

志亦付諸無何有之鄉雖然以此艱鉅之工費盡前人之經營而未收其效今欲開之他國未有不竊疑之者不知據今礦師所言皆謂實在有可用力之處美利堅政府若能籌撥大款踵前人舊跡下手做去何難收效於今日美國物產豐饒人民聰秀據南北美利加之要地於此而不為之尚欲舉何大業也況從此而商業之盛歐洲諸國將讓吾先戰務之臨運輪獨便乎夫我英人平日會談商務無不謂各國之商皆不足懼所可懼者惟德商自我觀之德不足懼惟美足懼蓋其國中物產之多製造之富進境之速殊令人觀之而色駭若連開通兩洋而販運靈便又豈僻處歐洲之人所能望其肩背耶

夫美國昔年為新造之國凡有物業皆以生材運至歐洲易我人工之品而後精巧得而用之今則率由自造即如鋼鐵出產較四年前多至二倍即此一業已非常進步其他可知觀一千八百九十七年進口貨經人工製造者比出口貨增值二十七兆圓一千八百九十六年進口貨比出口貨增值一百零四兆圓一千八百九十五年進口貨較出口貨增值一百二十一兆圓更前在一千八百八十九年進口貨共值七百四十五兆圓出口貨共值七百四十二兆圓總計值銀一千四百八十七兆圓至本年進口貨值六百一十六兆圓出口貨值一千二百五十一兆圓總計值一千八百四十七兆圓以出口貨較進口貨實增三百六十兆圓由以上之數詳之是進口之貨稅減而出口之貨稅增矣今更將本年八月十六號所列清單自一千八百七十四年至一千八百八十一年比較英美進出口貨數英國計每年出口貨值二百八十兆鎊美國計每年出口貨值一百零九兆鎊又自一千八百九十年至一千八百九十八年比較英美進出口貨數計英國每年出口貨值二百九十六兆鎊美國每年值一百九十六兆鎊

知新報七十一

十四

由上諸數觀之美國商務之日新月盛如是適值昔開國諸名公之所逆料今其製造之精巧品物之繁備皆足以供其本國之用且有流行於外國昔年同處商市中以為不足畏者今當有以抵制之勿反被其擠倒也何言之彼國與歐洲為近自與外人通商以來其貨物之進出口大抵先與歐洲人交易今觀其商人到歐者就地採買貨物價值約一百兆而歐人銷售其貨物價值且近三百兆是其獲利之多少實歐人輸之也雖然在今日歐洲商市非謂美人果居首要也英吉利法蘭西德意志瑞典奧秘路芝諸國所產貨物尚皆能勝之且有出其上者而要欲推之至於遠東今日方有蘇彝士河人稱便利然以道里計之尚有三千五百餘海里若美人果毅然開通巴拿馬之河則取道於遠東者僅及二千餘海里耳如此一以省平時陸路車運之費二以免轉運至歐洲之勞腳價既平行抵遠東之時日亦減

恐歐洲商人欲躡其踪而不可得也。

或曰遠東新興之國有日本亦以工商強國者也。英國海權之大舊有香港新造威海長江兩岸國度日深航運如織商情習熟美即開通巴拿馬未必能爭勝曰美人之商於東方時未久人未察不能爭勝於一時未必不能爭勝於異日況彼有此好機據彼現勢人官有能物曲有利若善制其盈虧平均其上下於海權何有商利何有且即以海權而論今環球諸國能以水師兵力壓制美國者竊惟英國而已不觀附近中美洲東西兩洋諸海岸如夏灣拿仙的高巡墨架仙紐撒喬龍麥吞匿麥西哥海灣巴拿馬海灣諸地皆高懸美利堅旗號而謂其兵力所振有不可以自見乎。

夫卡利卑實海之形勝一歐羅巴之黑海也。美國擴張其海軍可盡得而有之在歐洲黑海之險要吾英國有接布羅路打此地當黑海之南英人據而有之蓋德意志以爲守禦數十年以來歐洲各國莫敢近此處也以爲守禦數十年以駐軍守險今於卡利卑實海可勿圖一險要以爲後計乎且照一千八百五十年企離頓通勞化和約云英美二國兵與於卡利卑實海應出而相助美國若從而大振其海圖務使軍兵船械之足用英又助之誠天下莫強矣然讀華盛頓之遺詔有謂在卑實海勿與英軍相合此特當時之見未料及今日之勢豈我英合之遂足爲彼患耶以予觀之彼若開通巴拿馬則門戶自開海權商利可兼收於東西兩洋間矣。

知新報七十一

拿馬則門戶自開海權商利可兼收於東西兩洋間矣。或曰巴拿馬開河其利於美國既得所聞矣美人何爲遲遲而不開之曰美人非不願開之也以其事至難而其工太鉅當一千八百八十年總統蝦士君方履任即誓言於衆務欲開通巴拿馬河由是交付某英人代辦而以法人地辦什君總任工事終以工費太繁不能有濟遂罷夫時至今日美人皆知其利而又皆得資本美政府若極力倡之則旦暮集事不五年而大工告成矣。

英美聯盟之雄

西九月三號倫敦格致擇錄報云英美聯盟勢力之雄不可思議美國都司舉以下數端爲証一土地之廣有一十五兆零九萬九千八百九十二方英里若以寰球陸地之面爲一千分則此數居其二百九十二分又天下肥美之地爲二十八分則英美居其十五分二人民之衆約在四百八十六兆以外能文之人不下一百餘兆三穀麥之盛一千八百九十五年有七百二十九兆七十五萬一千石居天下全產三分之一四布帛之足一千八百九十六年美國與印度共產棉花九百六十八萬三千緡其餘別國不過一百零四萬三千緡五煤礦之豐計英美二國煤田共占二十三萬八千方英里之地六鐵銅之多一千八百九十五

年二國共產鋼九百三十六萬二千噸而今年則更多大約天下共產之鋼爲三分則英美所產居其二分。

地利花案待議

西七月六號倫敦朝報云去年有人控法武員地利花謂其受俄人之賄將法國軍情洩漏於是法廷震怒將該員定罪昨日其妻上書訟冤謂對清時法吏搜得秘書爲地利花受賄洩漏軍情之證但此書理宜交與犯員閱看方爲合例按一百零一條之國例凡裁判士與外人勾通書信當審問時須將書信交與該犯人閱看又按四百四十一條例凡裁判官判事不實者任該罪人請人伸理今其妻援此兩例詰駁欲將其夫減等法律部大臣得其妻之書即令下俾再查訪地利花事跡各條見地利花事延緩日久今始定罪今又將案翻駁多不直之云大律師沙利仁謂地利花之妻曰汝夫之案頭緒極多待余將全案事跡翻閱始能伸理法字報又論法廷各大臣辦理地利花之事分兩黨有袒護該武員者有執法不撓者故此案延宕未決云。

非洲近事

俄人陰圖躡必打

知新報七十一

西九月六號倫敦路路報云近時俄國屢次通款至非洲亞卑仙尼亞國王無非欲取躡必打地在紅海以水師俄之貪圖節節均有布置如從前探知意欲離亞亦紅海附近地有路可通波斯及印度遂起而奪其邊要意大利國莫敢誰何今復圖取躡必打若並此歸其掌握則波斯之勢危矣夫以俄之在歐亞非三洲接壤之間經營殆遍如運掌然其聖彼得堡都察院居督時聞君子但丁士耳其有權治俄則若巨指之相應更得意離亞及躡必打兩地恰如衆指之聽命於臂運轉靈捷而波斯適當其中雖愚者亦知其謀矣且其及於東海者既有西伯利亞鐵路亞洲北地亦隨處可以橫侵又審諸鯨魚遊於水上遍身鱗爪散布及欲有所獲有不漸將鱗爪收束以期得物乎俄之設謀全亞亦猶是矣然則亞洲全局將歸其統何有區區躡必打之小地乎查亞卑仙尼亞國王本歸意大利保護近據俄國報紙已明言躡必打爲其所取惟意大利京城報紙則謂該國既爲我所保護若其以地與人自應聲明夫俄人好詐常有其謀在是而轉託他事以混人耳目使人不及防今意京報紙謂俄人無取躡必打之事恐亦被其所欺也然且俄人在今日即不圖得躡必打地亦必於丹拿企勞亦亞卑仙尼亞海岸求一屯兵地而後已矣今吾人雖尚未審悉該躡必打地是否歸於意大利保護抑仙尼亞國有自主之權惟查該地界在奧博地之北正與不廉地

相對或說一千八百八十八年。仙尼亞與意大利人立約。則未載及。時必打之地。惟一千八百八十一年之舊約所載。則并譯必打歸意人保護。由此而言。仙尼亞王若欲以地與俄。必待意大利允肯。乃為公理。若私相授受。則是俄人以詐術取地。仙尼亞坐受其愚矣。更有一說。焉。意大利若知而不言。則或陰助俄謀。以收紅海之權利。皆有意與我英為難者也。且不獨我英。歐洲各國。亦將起責言於意大利。意大利亦豈能任此重咎耶。是啟天下之爭端而已。

連法員論花掃打軍

西九月二十八號。倫敦路報載巴黎斯電云。二十六號。法議院論出。明言該國未嘗有命將駐花掃打馬賤提督軍撤退。又訪事人面見法國管理藩屬事務大臣。亦云我國未曾有命召同花掃打軍。如有命召之。必政府確肯與英和而後有此。今爾英國舉國新聞所傳。無非謂我國馬賤提督與該地土酋有約。欲佔據此地耳。但我政府未據馬賤提督報到。實在情形。則和議尚難遙決。惟幸至今兩軍相對。未及開戰。則賊人入之所樂聞也。今我管理藩事務員。一俟有實音。即從議辦。務使兩國不至失和。便屬兩國之幸。惟花掃打附近尼路河。於非洲境內。係屬要地。我法人應得權於此。豈能將權治盡讓與英人耶。然自今約計。

知新報七十一

十七

馬賤提督回文。其行程甚遠。一自亞卑仙尼亞而來。一或道經康哥而至。非十月十五號不能返至本國。則法與英和否。尚須在後圖也。

工事

論製無烟火藥法。第七十期。紐約格致報。

初有人試以棉花火藥。以代平常火藥之用。而未得法者。是因棉藥裝入砲內。遇熱即炸。而過於迅速。故不合於推行彈子之用。因見平常火藥焚炸之緩急。可因其懸浮緊密而異。故亦仿其法而施於棉藥。或壓成棉磚。或以原棉。總未能稍變其性。遇火即全化為氣。發力極大。甚傷砲身。約於一千八百八十四年。考得棉花火藥。被醇酒伊打等物溶後。其性變易。若將棉藥溶化於亞舌端。復令亞舌端飛乾。則半透明之物。不復有棉絲之原形。焚時隨面入內。能阻隔火焰之鑽入。由是即得無烟火藥。如意配合砲度矣。惟是無烟火藥。亦有多種。或是全用棉藥製為之。或雜硝強甘油為之。土。勞。國。黑。沙。運。乃。美。國。水。師。所。用。者。為。全。棉。藥。美。國。陸。師。所。用。者。兼。雜。硝。強。甘。油。四。分。之。一。造。淨。棉。無。烟。火。藥。之。法。乃。用。棉。花。火。藥。溶。化。於。亞。舌。端。或。伊。打。醇。酒。之。內。小。心。勿。令。有。不。溶。化。之。棉。絲。留。存。旋。以。熱。氣。吹。散。溶。料。其。料。可。設。法。收。之。以。為。下。次。之。用。所。結。之。物。成。一。塊。頗。鬆。浮。次。以。力。壓。作。緊。密。均。勻。如。有。氣。泡。即。於。

此時迫出。然後以鐵鑪成厚薄均勻。所成之物。署同明角。不能作成圓粒。惟可切成小粒。此事乃趁暑濕時為之。既成後。即以小火乾之。所得之物。色若棕黃。此為市上所沽之無烟火藥。至別種無烟火藥。乃於綿藥既溶於亞舌端之際。加入硝強甘油。花士玲各若干。花士玲一物。所以緩其焚炸之力也。亦以同法令乾。即得此等藥名。有玻里士鐵。葛跌。麥。端。買。李。安。拿。諸。名。式。皆。極。猛。烈。但。恐。不。及。淨。綿。者。之。可。靠。玻。里。士。鐵。藥。用。於。德。意。二。國。者。乃。奧。付。列。極。步。路。所。造。葛。跌。藥。用。於。英。國。乃。亞。伯。路。與。吊。亞。二。人。所。造。上。二。藥。皆。含。硝。強。甘。油。多。至。十。餘。分。英。藥。兼。含。花。士。玲。美。人。所。用。者。名。李。安。拿。內。含。綿。藥。與。硝。強。甘。油。另。一。緩。力。之。藥。又。一。無。烟。火。藥。名。皮。頓。者。含。硝。強。甘。油。三。十。八。分。綿。藥。四。十。分。雜。質。二。二。分。共。為。百。分。此。等。無。烟。火。藥。焚。炸。之。後。所。餘。定。質。大。減。所。成。氣。質。大。增。熱。度。亦。加。高。故。同。式。之。砲。能。令。碼。子。飛。行。加。速。遠。勝。平。常。火。藥。美。國。水。師。曾。在。山。地。福。試。得。用。此。藥。十。一。鎊。七。五。焚。於。美。水。師。之。五。寸。來。福。砲。內。而。得。每。秒。二。千。五。百。五。十。六。尺。之。速。砲。身。週。圍。每。方。寸。受。力。三。萬。四。千。九。百。鎊。又。改。用。藥。十。一。鎊。焚。於。四。寸。七。之。後。膛。砲。每。秒。速。行。二。千。八。百。三。十。九。尺。砲。身。受。力。每。方。寸。三。萬。七。千。七。百。五。十。六。鎊。此。藥。乃。棉。藥。九。十。一。分。配。硝。強。甘。油。九。分。而。成。試。將。此。事。與。平。常。火。藥。之。功。用。比。較。表。列。如。下。

知新報七十一

十八

砲式

碼子中徑火藥名 極大之壓力

初離砲口之每秒時速率

前膛入藥之砲 十二寸半 平常火藥 五萬三千三百一十二鎊 一千四百零九尺
後膛入藥之砲 四寸七 無烟火藥 三萬七千七百五十六鎊 二千八百三十九尺

由此顯明無烟火藥能令彈子飛速率加倍。而其所迫壓於砲之力。祇如平常火藥所出力之三分之一。其功用之著。既免煙霧迷漫。又不累於重滯難移。總覺輕便靈捷。但其危險亦甚。一遭焚炸。被禍者血肉無存。豈有利不能無害。亦事理之至者也。

馬蹄甲新製

西九月十七號。倫敦格致報錄云。俄國戰務大臣。曾出令試將馬軍中之戰馬。改鑲鋁甲。而不用銅甲。馬蹄之甲。向以鋼鐵為之。今改用鋁質。是新法也。初試之法。係將一蹄之甲。用鋁為之。餘三蹄之甲。仍用現在通行之甲。如此。縱令馬行跑六禮拜之久。審視四甲之變動。若何。則見鋁甲不同鐵甲之易於消磨。泥濘水濕。亦不易損傷。又鋁甲不如鐵甲之重。四甲共計。差至十安士。驟觀此數。雖微。若積計之。亦屬關係。假如每秒之久。四蹄各起落一次。每日十點鐘之久。四蹄各起落三萬六千次。每次十安士。共重三十六萬安士。化作十一墩。無異將十一墩之重。於一日之內。舉高約一尺也。同此一馬。若減此重數。臨陣跑走之時。不。

已輕捷乎況乎鉛價亦廉召良工以善法製之則其價更廉也

美英在中國商務

西九月七號倫敦商務報云美國與中國相交之商務雖是每年不同頗見遞年加增一千八百九十五年六月三十號以上五年之中美國貨之銷於中國者每年值銀六百七十七萬七千九百零四圓一千八百九十五至九十六年值銀九百六十三萬九千四百四十圓一千八百九十六至九十七年值銀十一兆九十二萬四千四百三十三圓去年至今年六月值銀九百九十九萬二千八百九十四圓以上三年批計每年值銀十兆五十七萬八千九百二十二圓中國由各國運來之貨百分來自美國者僅居五六分但亦年多一年也中國由外運來之貨近日以美國增多最速若美國貨之至香港者一同入算則更顯明茲將以上七年英美二國之貨消於香港與中國正地者列表於後比較之自見彼進而我退也

每年六月三十號結數 美國貨至中國香港等處 英國貨至中國香港等處

一八九一	一三四六九七〇五
一八九二	一〇五五七五四六
	四四九三九六〇五
	三七九五九五三〇

知新報七十

十九

一八九三	八一七〇五九	三三三三四七四〇
一八九四	一〇〇七二二七三	三一三一四〇五〇
一八九五	七八五六八八〇	三五八三三三二五
一八九六	一一六一三一三四	四二六九六九五〇
一八九七	一七九八四四七二	三五五八八五八〇
千百年	京兆億萬千百十圓	京兆億萬千百十圓

今年六月三十之年結，雖未列表，但由以上各年而觀，即知其趨向矣。至論華貨之至美國者，其數更顯有大增之勢。一千八百九十五年六月三十號，以上五年之中，每年約值十二兆二十一萬圓，而一千八百九十六至九十七年，增至二十兆四十萬圓之多。現在太平洋上，加多商輪來往，中美二國之間，自然加增其兩邊來往商務矣。且能料知將來商務更大興也。

西貢富米

西九月七號倫頓商務報云越南西貢埠英領事士廉列君報覆去年該處商務如下現在安南各處稅關同歸一人提調法人倡議由河內築鐵路而至中國邊界去年九月一號定

例每擔米由交趾搭船付至東京者，抽稅一毫，船保之煤炭礦又要增本據總辦之言該礦所產不足獲利，海旁與海東二處附近忽有人煽亂，無從探訪其真實緣由，聞一少年爲黨首名溪當，年二十六，由柯路枝利亞而歸，引動約二千人，今被破，被執監禁於西貢，其從黨乃自山洞而出，到處匿名揭帖，倡言勦滅法人，其蠢動不日被官壓低，拿獲正法者不少，安南現在產金銅銻鐵各礦，土人現開採者不乏人，天河地方有冶礦爐一百二十處，製成鐵足供本地之用，若再加振作，即能有鐵出口矣，至其鐵質優劣如何，則吾未之見，安南皇帝今年二十歲，例當親政攝政諸員退權，勞士地方人跡尚稀，土宜頗佳，惟工人難得，地方所產足供本地之用，現有小輪船行駛至此方，土人喜種粟，欲使交趾東京，不必倚印度而購買鴉片煙也，該處耕種，以米爲大宗，綿花煙葉亦有出產，但不多耳，樹林之中，有數種材木，極甚可貴，但無運運之便法，故成廢材，該處貿易，幾盡爲華人所擅，往往將牛皮牛角運至暹羅與甘參多，轉換綿花而歸，在其下部地方，有大公司合股本十三萬佛郎，開採銅錫各礦，又述及甘參多之王，政體違和甚久，若年紀加邁，則更難復康強也，該國現已維新數載，事奴隸之例亦刪除矣，由交趾出口之米，去年有十兆零八萬六千七百擔，較其上年更多，又米碎米粉之出口，亦有六十八萬九千噸，今年禾稼受傷甚重，失收米禾不下十分之四。

知新報七十二

二十

來春米價必漲矣。

法國商務進境

西七月二十七號。倫敦商務報云。法國自敗於德而後。人心憤發。其國計之進益。可鐫者。一千八百六十九年。其郵政務。將加多三倍。電線製造。約加多九倍。鐵路之數。加多雙倍。遊客加多三倍。鐵路進款。增多二十兆鎊。其內河舟楫。加倍。煤之出產。用度。則由八十四萬噸。增至一百五十二萬噸。生鐵之出產。增多三分之一。法國銀行之本。由二百六十五兆鎊。增至三百四十五兆鎊。民間私業增多。無算。盡付積蓄銀行。由三十兆鎊。增至一百六十兆鎊。所開之賬。從末如今之大。銀行付項。多至六十兆鎊。又自罷戰以來。法國會還公債一千二百八十兆鎊。又爲水陸師並藩屢支銀一千兆鎊。又爲學校支銀八十兆鎊。又爲營造公家工務支銀二百兆鎊。私家公司所支者。未入此數。一千八百七十年至七十一年之戰。所耗之銀四百八十兆鎊。皆已償楚矣。

格致

砲法擅勝

西九月十號。倫頓格致擇錄報云。今年美利堅與西班牙戰。美國得勝。歸功於砲向之準繩。